

Mélin.

Vêladje dè nos parints,
Vêladje dè d' quand dj' èsto gamin.
A dj' djamb'lé sè vos pavéyes !
A dj' bèrôlé dins vos foncias !
À l' nîve, au solia, sè vos-ûréyes !

Mélin.

Ô, m' bia p'tèt vêladje !
Quates pètêts amias
Covés pa d'zo nosse blanc clotchi
Què pwate sè coq jèsqu'aus nûléyes.

A dj' vèyè ?
Nos stindéyes dè vèt', au mwès d' mây,
Nos pachès caflorès, avou l' bon timps,
Nos stindéyes dè scaignes d'ous d' l'èsté.
Nos pawas dins lès chavéyes.

A dj' sintè ?

Lès fornéyes dè pwins cujant dins lès fors ;
Lès vénéyes èmacraler mès traus d' nez ;
Sè ça sint lè stauve, c'èst là qu'on vèke ;
Lè nwêr dè pouchêre, c'èst qu'on bat lès frémints.

A dj' ètindè ?
Lès ritcitchi-batisse-cowitche,
Lès coqs tchanter à mèsêre avou l'èclème dè l' mârchau,
Lès tchéns bawyi après lès tch'vaus,
L'angélus què sone prandjêre !

A dj' sayi ?

Lès bonbons dè r'naud dins lès spènes,
Lès sècrés r'djètadjes sè lès sproutes,
Lès poumes cutes dins l' covèt.
Lès scaflotes dè nosse gâyi.

Vêladje dè nos cinsis
R'lèvés avou l' solia,
Boutant jèsqu'à l' vièspréye,
Sè leûs têres, sè leûs pîces.
Ardents dins leûs fîves,
Au solia, à l' plaive, à l' nîve.
Lè cè qu'a polè sok'ter on quârt avou zèls,
Stindè dins one mwéye dè fouïre,
Nè vos rovîyerè jamais pès !
Vêladje dè nos tâyeûs d' pîre !
A dj' ètindè lès sclats
Pèter pa d'zo vos masses !
Avoz vèyè nos blankès pîres
Tayîyes avou leûs chasses ?
Avoz vèyè nos blankès pîres
Què rabrèssenèt nos-intréyes,

Quë moussenèt nos fëniësses,
Quë sopwatenèt nos maujones ?
Avoz vèyë nos blankès pîres ?...

A dj' chouté nos vis parints,
À l' chîje, së l' pîre dë l' ëch
Au tîmps dës baloûjes !

A dj' chouté nos vis parints
Nos raconter dës fërdin.nes
Au r'cwè, dins l' këlot !

Combén d' côps nos-ont-ë
Trin.né së nos sclëdes d'ëfants,
Dins nos pës bias mousemints,
Së l' vòye dè l' mësse dë maiyenait !...

Dës djous, dës mwès... dës-ans !
Quë djë m' pormin.ne au lon,
Sins waîre dë bon !

Dës djous, dës mwès... dës-ans !
Quë dj' a mès niêrs ;
On keûr dë fiêr !...

Vaîroz avou më à Mélin,
Po-z-i r'trover l' gout d' nosse pwin ?
Po-z-i r'ssayi l' tchaleûr dë nos djins ?

Nos-è mète plin nos-ouys, plin nos mwins...
Po fé frëm'ji nosse song,
Po ratraiper nosse tiësse !...

Lë djou qu' nos-ërirans,
Nos r'pëdrans nos sclëdes d'ëfants !

Mauj'ni.
Jacques DESMET.